




La grafia 'd na lenga viva
ma mnassà d'estinsion
come 'l piemontèis a l'é
na question ch'a toca
da davsìn tuti coj che al
piemontèis a-i veulo bin.



A l'é nen obligatòri scrive (ni parlé)
an piemontèis, a-i mancria; ma se i

decidoma 'd felo a venta ch'i lo fasso da
bin. O mej, «pi da-bin ch'as peul», com
ch'a disia barba Tòni. **An cost artìcol**

L'vin d'la nostra **CROTA**

Piemontèis a la zigomara



i vèdroma pèrchè angagesse a scrive da bin a l'é
mej pèr noi e pèr ël piemontèis.

Ancaminoma pròpi da barba Tòni, che dël piemontèis
a dis:

A venta scrivo, òh già, e pi da-bin ch'as peul
a scòla d'arsigneul, un reul d'an pare an fieul,
dissionari a la man, sacrelo con la rima,
sima dla gòj, la prima.

Noi ch'i l'oma 'l gran boneur ëd conòsse costa lenga
scrita, i dovoma dovrela al màssim dle nòste possi-
bilità. Dàit che con ël piemontèis scrit i l'oma nen – i
podoma nen avèj – la familiarità ch'i l'oma con l'italian
(pèrchè ch'an piasa o nò l'italian a l'é daspèrtut d'an-
torn a noi), an capitrà ëd nen vesse sicur ëd com a sè
scriv na paròla. Allora a venta ch'i parto dai dissionari e
da le gramatiche pèr minca dubit ch'i podoma avèj.
Pèrchè ch'as dòvra 'l piemontèis quand ch'as podria

dovresse l'italian? Pèr parlé an manera pi davsìn-a al
client o al letor, com di «i soma dl'istessa smersa» Bel.
Pecà che tròpe vire as dòvra nen an manera coreta, e
an coste fòto a-i é quàich esempi.

Ma se ël piemontèis a l'é na lenga (e i vegh nen come
diversament a podria esse ciamà na parlada ch'a
l'ha des sécoj ëd tradission scrita), e se 'l dialèt a l'é
la mòrt dla lenga (pèrchè con j'«ütuber» e via fòrt is
pijoma mach an gir senza gavene 'd costrut), allora a
venta ch'i scrivo «pi da-bin ch'as peul», dissionari e
gramatiche a la man.

Obiession: ma se le scrite a fusso an piemontèis coret,
ël piemontèis medi a-i capiria nen. Già, ma a l'é na
question ëd regole. **Le regole che a fan na lenga a**

fan an manera che ij parlant e jè scrivent as

capisso. Nòsta lenga a l'é mnassa d'estinsion, a

l'é vèj. Ma slarghé le maje
a serv a quaicòs? A saria un
pòch come scrive l'inglèis
com as prononsia, pèrchè
pi fàcil. E peui pèrchè a

dovria esse fàcil amprende a scrive? I l'oma nen fàit
ëd fatiga pèr amprende a scrive an italian, an inglèis?
E peui, fàcil rispet a còs? Com ch'a disia Gramsci ant
le *Lettere dal carcere*, se l'impegn a l'é col giust, a-i é
gnente ch'as peussa disse verament difìcil (o fàcil, a
l'é l'istess).

Ma peui, dzora ëd tut, a venta mostreje a nòsta gent
– a venta ch'is mostro a nojautri midem – a scrive
an piemontèis. Autre solussion a esisto nen. E scrive
a veul di prima ëd tut lese, lese, lese tant (nen mach
an piemontèis, as capiss) e nen fèrmesse a la prima
difìcultà. Già, pèrchè na lenga a va tratà con rispet.
Pèrchè se i voloma esse respetà come piemontèis e
come sitadin dël mond, **i soma prima 'd tut nojautri**
a dovèj respeté nòsta lenga e nòste tradission.



Stephan Geom. Azzarito

Ristrutturazioni, impianti elettrici e idraulici,
proposte di arredamento.

Un solo riferimento per tanti servizi

Consulenza e preventivi gratuiti per ogni vostra esigenza

Via Luigi Einaudi, 13 - RIVA presso CHIERI (TO)

Tel. 011 19916248 - Cellulare 327 1652497